



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ԱՌԱՋԻՆ ՏԵՂԱԿԱԼ

Երևան-0015, Մ.Խորենացու 3, 7

22.02.2024թ.

Որոշում թիվ 218-2023/01-Ո

Վարչական վարույթը վերսկսելու և վարչական տույժ նշանակելու վերաբերյալ

ՀՀ պետական եկամուտների կոմիտեի նախագահի 1-ին տեղակալ Արտյոմ Սմբատյանս՝ քննելով «ԱՐԽԻ ԳՐՈՒՊ» ՍՊ ընկերության /ՀՎՀՀ՝ 00234068/ տնօրեն Հայկ Աբրահամյանի վերաբերյալ վարչական իրավախախտման վարույթի նյութերը՝

Պարզեցի

ՀՀ պետական եկամուտների կոմիտեի իրավաբանական վարչությունում, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, Վարչական իրավախախտումների վերաբերյալ ՀՀ օրենսգրքի 254-րդ 255-րդ և 182.6-րդ հոդվածներով, հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու հատկանիշներով «ԱՐԽԻ ԳՐՈՒՊ» ՍՊ ընկերության /ՀՎՀՀ՝ 00234068, պետ. գրանցման համար՝ 264.110.1170418, հասցե՝ ք. Երևան, Քանաքեռ-Զեյթուն, Ազատության պ., 11 Ա շենք, 15 բն., էլ. հասցե՝/ տնօրեն Հայկ Աբրահամյանի /ՀԾՀ՝ 2912980607, անձն՝ AS0497081, տրված՝ 05.02.2019թ-ին, 004-ի կողմից, հասցե՝ ք. Երևան, Քանաքեռ-Զեյթուն, Ազատության պ., 11 Ա շենք, 15 բն./ վերաբերյալ հարուցվել է վարչական իրավախախտման վարույթ: Մասնավորապես՝ Հայկ Աբրահամյանը չի կատարել հարկ վճարողի գույքի վրա արգելանք դնող պաշտոնատար անձի կողմից 03.03.2023թ-ին կազմված և փոստային ծառայության միջոցով 16.03.2023թ-ին հանձնված գրությամբ առաջադրված պահանջները: Այն է՝ Հայկ Աբրահամյանը գրությամբ նշված ժամկետում չի ներկայացրել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ դրամարկղային գիրքը:

Փաստի կապակցությամբ 25.04.2023թ-ին հարուցվել է վարչական վարույթ և Հայկ Աբրահամյանին ծանուցվել է այդ մասին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 19.05.2023թ-ին ժամը 11:45-ին մասնակցելու նպատակով փոստային ծառայության միջոցով պատշաճ ծանուցում է ուղարկվել Հայկ Աբրահամյանին, սակայն 19.05.2023թ-ի դրությամբ ծանուցագիրը ստանալու փաստը բացակայել է, այդուհանդերձ վարչական մարմինը, նախքան վարչական ակտ ընդունելը, անհրաժեշտ է համարել նրա ներկայությունը՝ վարույթին առնչվող որոշ կարևոր հանգամանքներ նրանից պարզելու համար, ուստի՝ ՀՀ ՊԵԿ նախագահի տեղակալ Արթուր Մանուկյանի կողմից 19.05.2023թ-ին կայացված «Վարչական վարույթը կասեցնելու մասին» թիվ 218-2023/01-Կ որոշմամբ վարչական վարույթը կասեցվել է:

Հաշվի առնելով այն, որ «Հարկատու 3» էլեկտրոնային կառավարման համակարգում կազմակերպության վերաբերյալ այլ հասցեներ այդ թվում նաև էլեկտրոնային փոստի հասցեն

բացակայում է՝ 19.05.2023թ-ին կայացված թիվ 218-2023/01-Կ որոշումը և Վարչական իրավախախտման վերաբերյալ արձանագրության կազմմանը և նյութերի նախապատրաստմանը 03.07.2023թ-ին ժամը 11:45-ին, ինչպես նաև վարչական իրավախախտման վերաբերյալ գործի քննությանը 07.07.2023թ-ին ժամը 10:15-ին մասնակցելու համար 26.05.2023թ-ին կազմված թիվ 218-2023/01 ծանուցագիրը Հայկ Աբրահամյանին ուղարկվել են փոստային ծառայության միջոցով, սակայն ծրարը փոստային ծառայությունից հետ է վերադարձվել 17.07.2023թ-ին «Չի պահանջվել» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 07.08.2023թ-ին ժամը 11:00-ին, ինչպես նաև վարչական իրավախախտման վերաբերյալ գործի քննությանը 14.08.2023թ-ին ժամը 09:30-ին մասնակցելու համար 17.07.2023թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են փոստային ծառայության միջոցով 18.07.2023թ-ին, սակայն ծրարը փոստային ծառայությունից հետ է վերադարձվել 08.08.2023թ-ին «Չի պահանջվել» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 04.09.2023թ-ին ժամը 10:00-ին, ինչպես նաև վարչական իրավախախտման վերաբերյալ գործի քննությանը 05.09.2023թ-ին ժամը 09:30-ին մասնակցելու համար 14.08.2023թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են 17.08.2023թ-ին փոստային ծառայության միջոցով, սակայն ծրարը փոստային ծառայությունից հետ է վերադարձվել 01.09.2023թ-ին «Տեղափոխված» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 02.10.2023թ-ին ժամը 10:00-ին, ինչպես նաև վարչական իրավախախտման վերաբերյալ գործի քննությանը 03.10.2023թ-ին ժամը 09:30-ին մասնակցելու համար 05.09.2023թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են 06.09.2023թ-ին փոստային ծառայության միջոցով, սակայն ծրարը փոստային ծառայությունից հետ է վերադարձվել 13.10.2023թ-ին «Տեղափոխված» նշագրմամբ:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 16.10.2023թ-ին ժամը 10:00-ին, ինչպես նաև վարչական իրավախախտման վերաբերյալ գործի քննությանը 24.10.2023թ-ին ժամը 10:00-ին մասնակցելու համար 04.10.2023թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են 05.10.2023թ-ին փոստային ծառայության միջոցով, սակայն ծրարը փոստային ծառայությունից հետ է վերադարձվել 12.10.2023թ-ին «Տեղափոխված» նշագրմամբ:

Այնուհետև վարչական իրավախախտման վերաբերյալ արձանագրության կազմմանը և նյութերի նախապատրաստմանը 03.11.2023թ-ին ժամը 11:30-ին, ինչպես նաև վարչական իրավախախտման վերաբերյալ գործի քննությանը 09.11.2023թ-ին ժամը 10:00-ին մասնակցելու համար 18.10.2023թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են 20.10.2023թ-ին փոստային ծառայության միջոցով, սակայն ծրարները փոստային ծառայությունից հետ են վերադարձվել 09.11.2023թ-ին «Չի պահանջվել» նշագրումներով:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 21.02.2024թ-ին ժամը 12:00-ին, ինչպես նաև վարչական

իրավախախտման վերաբերյալ գործի քննությանը 22.02.2024թ-ն ժամը 12:30-ին մասնակցելու համար 31.01.2024թ-ին կազմված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանին ուղարկվել են 31.01.2024թ-ին փոստային ծառայության միջոցով, միաժամանակ, համաձայն «Վարչարարության հիմունքների վարչական վարույթի մասին» ՀՀ օրենքի 29.1-րդ հոդվածի 14-րդ մասի, 31.01.2024թ-ին կազմված թիվ 218-2023/01 ծանուցագիրը 01.02.2024թ-ին ուղարկվել է ՀՀ ք. Երևան Քանաքեռ-Զեյթուն վարչական շրջանի դեկավարին, իսկ 31.01.2024թ-ին տեղադրվել է Հայաստանի Հանրապետության հրապարակային ծանուցումների պաշտոնական ինտերնետային կայքում 19.05.2023թ-ին կայացված թիվ 218-2023/01-Կ որոշման հետ միասին:

«Վարչարարության հիմունքների և վարչական վարույթի մասին» ՀՀ օրենքի 29.1-րդ հոդվածի 15-րդ մասի համաձայն՝ նույն հոդվածի 14-րդ մասով սահմանված գործողությունները կատարելու հետ միաժամանակ ծանուցումը տեղադրվում է Հայաստանի Հանրապետության հրապարակային ծանուցումների պաշտոնական ինտերնետային կայքում: Նույն մասով նախատեսված գործողությունները կատարելուց հետո՝ հինգերորդ օրը, համապատասխան ծանուցումները համարվում են հանձնված (ստացված):

31.01.2024թ-ին ուղարկված ծանուցագիրը և 19.05.2023թ-ին կայացված թիվ 218-2023/01-Կ որոշումը Հայկ Աբրահամյանի կողմից համարվել են ստացված 05.02.2024թ-ին:

Չնայած այն հանգամանքին, որ Հայկ Աբրահամյանը պատշաճ կերպով 05.02.2024թ-ին ծանուցվել է վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու մասին, սակայն չի ներկայացել, չի ներկայացրել որևէ բացատրություն և պահանջվող տեղեկություններ, ուստի վարչական իրավախախտման վերաբերյալ 21.02.2024թ-ի թիվ 218-2023/01-Ա արձանագրությունը կազմվել է Հայկ Աբրահամյանի բացակայությամբ:

Պատշաճ ծանուցված լինելով 22.02.2024թ-ին նշանակված վարչական իրավախախտման գործի քննության վայրի և ժամանակի մասին՝ Հայկ Աբրահամյանը կամ վերջինիս ներկայացուցիչը չի ներկայացել:

ՀՀ հարկային օրենսգրքի 36-րդ հոդվածի 1-ին մասի 11-րդ կետի համաձայն՝ հարկային մարմինը (հարկային հսկողություն իրականացնող պաշտոնատար անձը) լիազորված է հարկային պարտավորությունների գանձումն ապահովելու նպատակով ՀՀ հարկային օրենսգրքով սահմանված դեպքերում և կարգով արգելանք դնել հարկ վճարողի (հարկային գործակալի) գույքի վրա:

ՀՀ հարկային օրենսգրքի 434-րդ հոդվածի 2-րդ մասի համաձայն՝ հարկ վճարողի դրամարկղում ունեցած կանխիկ դրամական միջոցների վրա արգելանք դնելու մասին որոշումը հարկ վճարողին ներկայացնելու օրը որոշումն ընդունած հարկային մարմնի պաշտոնատար անձը գույքագրում է հարկ վճարողի դրամարկղում առկա կանխիկ դրամական միջոցները և դրանք, ինչպես նաև արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող կանխիկ դրամական միջոցներն արձանագրությամբ ի պահ է հանձնում հարկ վճարողին: Հարկ վճարողի դրամարկղում առկա կանխիկ դրամական միջոցների՝ արգելանքի տակ գտնվելու ժամանակահատվածում որոշում կայացրած հարկային մարմնի պաշտոնատար անձն իրավունք ունի ցանկացած ժամանակ գույքագրելու դրամարկղում դրամական միջոցների առկայությունը, ինչպես նաև մուտքագրված և ելքագրված դրամական միջոցների շարժը, որի արդյունքներով կազմվում է արձանագրություն: Դրամարկղում կանխիկ դրամական միջոցների կամ կանխիկ դրամական միջոցների շարժի գույքագրման արձանագրության ձևը սահմանում է հարկային մարմինը, որում

նշվում են գույքագրման ամսաթիվը, ժամանակահատվածը, արգելանքի տակ գտնվող դրամական միջոցների արժույթը, արժեքը, քանակը, մուտքագրված դրամական միջոցների արժեքը և դրանց ստացման աղբյուրը, ելքագրված դրամական միջոցների արժեքը և ծախսման ուղղությունները, ի պահ հանձնվող դրամական միջոցների արժույթը, արժեքը, քանակը, գույքագրման ընթացքում դրամարկղային գործառնությունների կատարման դադարեցման ժամանակահատվածը, նշում՝ արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող դրամական միջոցների արգելանքի տակ գտնվելու և ի պահ ընդունելու վերաբերյալ, գույքագրմանը մասնակցող անձանց տվյալներն ու ստորագրությունները: Նշված արձանագրությունները հարկ վճարողի դրամարկղում առկա կանխիկ դրամական միջոցների վրա արգելանք դնելու մասին որոշման անբաժանելի մասն են:

ՀՀ հարկային օրենսգրքի 435-րդ հոդվածի 2-րդ մասի համաձայն՝ արգելանքն իրականացնող պաշտոնատար անձն արգելանքի տակ դրված այլ գույքն ի պահ է հանձնում հարկ վճարողին, իսկ եթե հարկ վճարողը փորձում է արգելանքի տակ դրված գույքը կամ դրա առանձին բաղադրամասերը վատնել, թաքցնել, ապօրինաբար մեկ ուրիշին հանձնել, փչացնել կամ ոչնչացնել, ապա գույքի պահատվությունը հանձնվում է նման գործունեություն իրականացնող մասնագիտացված կազմակերպությանը՝ պահատվության պայմանագրի հիման վրա: Պահատվության հետ կապված ծախսերը կատարում է հարկ վճարողը:

«Հարկային ծառայության մասին» ՀՀ օրենքի 35-րդ հոդվածի 1-ին և 3-րդ մասերի համաձայն՝

1. Հարկային ծառայողի՝ իր իրավասության սահմաններում առաջադրած պահանջները պարտադիր են բոլոր պետական կառավարման և տեղական ինքնակառավարման մարմինների, հիմնարկների, կազմակերպությունների, պաշտոնատար անձանց և քաղաքացիների համար:

3. Հարկային ծառայողի պահանջները չկատարելը կամ նրա պարտականությունների կատարմանը խոչընդոտելն առաջացնում է օրենքով սահմանված պատասխանատվություն:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում հարկ է նշել, Հայկ Աբրահամյանը պարտավոր էր ապահովել արգելադրում իրականացնող պաշտոնատար անձանց օրինական պահանջները, մասնավորապես,

ներկայացնել պահանջվող փաստաթղթերը՝ դրամարկղային գիրքը և հարկ վճարողի այլ գույքակազմի վերաբերյալ տեղեկություններ:

Հիմք ընդունելով հիշյալ իրավակարգավորումները, համադրելով դրանք գործում առկա փաստական հանգամանքների հետ, պետք է նշել, որ Հայկ Աբրահամյանը խոչընդոտել է հարկային հսկողություն իրականացնող պաշտոնատար անձանց ծառայողական պարտականությունների կատարմանը, հետևաբար Հայկ Աբրահամյանի արարքում առկա է Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված իրավախախտման դեպքը:

Վարույթն իրականացնողը հարկ է համարում նշել նաև, որ տվյալ դեպքում բացակայում են իրավախախտում կատարած անձի կողմից իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, և բացակայում են իրավախախտումը կատարած անձի պատասխանատվությունը մեղմացնող հանգամանքները: Նշվածից ելնելով, վարույթն իրականացնող մարմինը գտնում է, որ իրավախախտում կատարած անձի նկատմամբ նախազգուշացում վարչական պատասխանատվության միջոցի կիրառման հիմքերը բացակայում են:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 37-րդ հոդվածի 10-րդ մասով, 244²-րդ, 281-րդ հոդվածներով, 282-րդ հոդվածի 1-ին մասով, «Վարչարարության հիմունքների և վարչական վարույթի մասին» ՀՀ օրենքի 29.1-րդ հոդվածի 14-րդ, 15-րդ մասերով, 49-րդ հոդվածի 3-րդ մասի 2-րդ պարբերությամբ՝

ՈՐՈՇԵՑԻ

1. Վերսկսել 19.05.2023թ-ի թիվ 218-2023/01-Կ որոշմամբ կասեցված վարչական վարույթը,
2. Համաձայն Վարչական իրավախախտումների վերաբերյալ ՀՀ օրենսգրքի 182.6 հոդվածի՝ Հայկ Աբրահամյանի նկատմամբ կիրառել վարչական տույժ՝ նշանակելով տուգանք 250.000 ՀՀ դրամի չափով:



Revoked certificate

X

ԱՐՏՅՈՄ ՍՄԲԱՏՅԱՆ

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ

Ծանոթություն. Սույն վարչական ակտը ստորագրված է «Էլեկտրոնային փաստաթղթի և էլեկտրոնային թվային ստորագրության մասին» Հայաստանի Հանրապետության օրենքով սահմանված կարգով՝ էլեկտրոնային եղանակով:

Վարչական իրավախախտումների վերաբերյալ ՀՀ օրենսգրքի համաձայն Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից:

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը հանձնելու /հանձնված համարվելու/ օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Վարչական ակտի հասցեատիրոջ կողմից ներկայացված դիմումի հիման վրա, էլեկտրոնային հասցեի ներկայացման դեպքում վարչական մարմինը կարող է տրամադրել նաև սույն վարչական ակտի էլեկտրոնային բնօրինակ տարբերակը:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. 900005240487, վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա

որոշման

պատճենը